

**Cov Nqe Lus Nug thiab Nqe Lus Teb Hais Txog Kev Noj Qab Haus Huv  
rau CoreTect®**

**Siv Cov Txiv Kab Ntxwv tiv thaiv rau Tus Kab Asian Citrus Psyllid**

Npaj los ntawm Office of Environmental Health Hazard Assessment, CalEPA



**Q: CoreTect® yog dab tsi?**

**A:** Coretect® yog hom tshuaj tua kab uas muaj imidacloprid sib tov nrog ua ke.

Coretect® raug siv los ntawm California Department of Food and Agriculture (CDFA) txhawm rau kev tuav tswj tus kab Asian citrus psyllid (ACP), ib hom kab uas tuaj yeem kis kab mob rau tej qoob loo tau. Siv cov Coretect® ua ntsiav kom tob hauv av li 2 - 5 inches puab rau ntawm tsob txiv kab ntxwv. Tso dej rau hauv cov av kom muaj yaj cov tshuaj ntsiav thiab ua rau cov cag nqus tau cov imidacloprid thiab xa mus rau tsob txiv kab ntawv. Cov kab raug cov imidacloprid thaum lawv noj cov tawv ntoo los yog cov nplooj los sis haus cov kua ntawm tsob ntoo ntawd.

**Q: Cov tshuaj imidacloprid ua haujlwm zoo li cas?**

**A:** Thaum tus kab noj los sis nkag los chwv cov tshuaj imidacloprid, yuav ua rau lawv tej keeb hlab ntshav puas. Qhov ua rau cov hlab ntshav puas no yuav ua rau tshee thiab muaj lwm yam teeb meem rau cov hlab ntshav. Qhov no tuaj yeem ua rau tus kab tuag tau. Imidacloprid yuav tsis cuam tshuam loj rau cov keeb hlab ntshav ntawm cov tsiaj muaj mis, nws yuav tsim tau cov tshuaj lom tsawg dua rau tib neeg thiab lwm yam tsiaj muaj mis.

**Q: Cov tshuaj imidacloprid yuav cuam tshuam rau kev noj qab haus huv ntawm tib neeg li cas?**

**A:** Qhov kev sim cov tshuaj imidacloprid rau tej tsiaj pom tau tias nws cuam tshuam rau cov keeb hlab ntshav, lub siab, thooj ceeb tswj lub cev kom loj hlob, thiab qhov hnyav ntawm lub cev. Txawm li cas los xij, tej zaum kuj yuav tsis paub zoo tias hom tshuaj imidacloprid no yuav cuam tshuam ntau los tsawg li cas rau thaum siv CoreTect® mus raws li kev qhia siv. Imidacloprid yuav tsis ua rau muaj kab mob khees xaws, khaus qhov muag, los sis txhaum rau tej tawv nqaij (fab rau tawv nqaij).

**Q: Cov cai tswj xyuas hom tshuaj imidacloprid no pom tau tias nws yuav muaj kev cuam tshuam thiab feem tsis zoo li cas rau kev noj qab haus huv?**

**A:** Hom tshuaj imidacloprid yeej raug tshuaj xyuas los ntawm US Environmental Protection Agency tias nws yog ib hom tshuaj “Siv Tua Kab.” Qhov no txhais tau tias nws muaj cov tshuaj imidacloprid xyaws nrog hom tshuaj uas sawd daws pheej nyiam yuav siv thiab. Cov tshuaj no yeej muaj xyaws nrog cov tshuaj uas raug tso npe los siv rau tej tiaj nyom thiab ua kom tej nroj tsuag zoo thiab siv rau ntau hom khoom qoob loo thiab khoom noj. Imidacloprid kuj raug siv los tswj cov kab laum kiv rwg thiab tiv thaiv tej dev mub nyob ntawm cov miv thiab dev.

**Q: Yam uas muab sib xyaws nrog CoreTect® yog dab tsi?**

**A:** Hauv feem kev kawm txog tej tsiaj, qee yam uas muab tso xyaws nrog Coretect® yuav ua rau tawv nqaij los sis qhov muag khaus me ntsis rau thaum siv cov tshuaj no ntau dua qhov tib neeg lub cev tiv taus cov tshuaj CoreTect®. Thaum siv raws li cov lus qhia siv, muab cov tshuaj CoreTect® tso rau sab hauv daim npoo av thiab saib xyuas kom muaj kev cuam tshuam tsawg tshaj plaws rau tib neeg.

**Cov Nqe Lus Nug thiab Nqe Lus Teb Hais Txog Kev Noj Qab  
Haus Huv rau CoreTect®**

---

**Q: Tib neeg yuav tau ceev faj li cas thaum siv CoreTect® rau hauv av ntawm cov txiv kab ntxwv hauv lawv lub vaj?**

**A:** Raws li cov lus qhia kom ceev faj, thaum lub sijhawm siv tshuaj lawm cov neeg thiab tej tsiaj yuav tsum nyob hauv lub tsev xwb. Tsis pub cov neeg mus ua haujlwm hauv lub vaj los sis cov me nyuam yaus los sis tej tsiaj mus nyob ua si ze rau ntawm thaj chaw siv cov tshuaj no kiag thaum tom qab siv tshuaj tua kab.

**Q: Tib neeg yuav tau ceev faj li cas tom qab siv CoreTect® rau hauv av ntawm cov txiv kab ntxwv hauv lawv lub vaj?**

**A:** Cov neeg yuav tsum zam tsis txhob mus chwv cov av uas raug tua kab ntawd kom mus txog rau thaum nws qhuav lawm. Tsis pub cov me nyuam yaus los sis cov tsiaj mus dig cov av ib cheeb tsam ze uas raug tua kab ntawd. Ua raws li cov lus qhia uas muab los ntawm CDFR.

**Q: Kuv puas tuaj yeem noj cov txiv kab ntxwv uas siv tshuaj CoreTect® tua kab?**

**A:** Tom qab siv cov tshuaj CoreTect® mus rau hauv cov av uas nyob ze ntawm cov txiv kab ntxwv, cov cag yuav nqus cov tshuaj imidacloprid thiab tej zaum yuav pom muaj nyob rau hauv cov txiv thiab cov nplooj rau ntawm tej thaj chaw uas siv tshuaj tswj xyuas cov kab no los tau ntev lawm. Txawm li cas los xij, yeej pom tias tsuas muaj cov tshuaj imidacloprid tsawg heev thiab kev noj cov txiv los sis cov nplooj yeej tsis cuam tshuam dab tsi rau kev noj qab haus huv ntawm tib neeg li.

**Q: Puas muaj lwm yam tshuaj muag tom kiab khw uas muaj cov tshuaj imidacloprid no xyaws nrog?**

**A:** Lwm yam tshuaj tua kab uas muaj cov tshuaj imidacloprid xyaws nrog muaj xws li cov tshuaj tua dev mub thiab cov tshuaj siv tua kab hauv vaj zaub.

**Q: Kuv yuav tau ua li cas yog kuv hnov tsis xis nyob tom qab siv cov tshuaj CoreTect® ?**

**A:** Hu rau lub chaw California Poison Control System rau ntawm tus xov tooj (800) 222-1222 los sis sab laj nrog koj tus kws kuaj mob.

---

Yog xav paub ntau ntxiv, tiv toj rau:  
Invasive Species Program  
Office of Environmental Health Hazard Assessment  
California Environmental Protection Agency

1001 I Street, P.O.Box 4010  
Sacramento, CA 95812  
Xov Tooj: (916) 327-7319

1515 Clay Street, 16<sup>th</sup> Floor  
Oakland, CA 94612  
(510) 622-3170

Email: [pesticides@oehha.ca.gov](mailto:pesticides@oehha.ca.gov)

Rau Hli 2018